

兩朝從信錄

兩朝從信錄卷之十六

秀水

沈國元述

十月 甲寅

蘇州府志  
卷四十四

川湖總督張我續獻俘疏曰據四川監軍僉事戴君恩呈  
奉職紙牌照得逆賊樊龍張彤黑蓬頭等股殺大吏竊據  
岩城已九閱月矣今官兵奮勇齊攻堅城克復擒斬無遺  
所有當獲樊龍等首級并生擒石永高既經監軍紀功各  
道驗審已明并准撫院差官解送何若海及按察司呈解  
周鼎等通應解獻  
闕下請

旨正法情罪稍次應候會審就近處決等因。審驗得樊龍等身屍首級并逆賊石永高樊友邦何若海周鼎等通共三十一名俱於天啓二年五月被官兵先後擒獲解到驗審無異。叅看得樊龍張彤等人本么賸性最兇狡煽奢首而謀爲叛逆事豈偶然。假使遷而明動于戈志不在小。戕殺撫道大吏傷哉流血成渠攻破州縣名城慘矣積屍盈野竊據我城池自恃地利抗拒我師旅罔識天常遂使三巴半壁乾坤所在震動四省小民物力是處騷騷幸天威之遠播致嚴郡之立平元愆束手以就擒易於拉朽逆黨繫纓而盡戮捷若承蜩事豈人爲孽由已作亟宜解

純好震布

赴國門用以張皇我武伏遇

皇上天成赫濯

神武宣昭文武同事同心將士竭謀竭力兵連秦楚餉滿  
川原遂乃秣馬誓師共矢沉舟之志因而晝攻夜擊人懷  
背水之奇一戰而危關立奪棄甲曳兵之黨擒斬不下萬  
餘再戰而援賊盡驅扶傷帶死之前追勦殆無噍類乃賊  
猶以欲走愚我妄爲後舉之圖而我即以許走愚賊密定  
暗擒之計終徘徊而難去卒次第以成擒雷擊電馳一路  
烟霾盡洗根除蔓剪四方羽翼全摧豈獨漏網遊魂業已  
望風而解去自今狂酋殘喘亦將指日以歸降是真足以

大彰

皇上不世之奇勲而更可以預卜

天朝無疆之景運矣恭候覆請照依律例分別正法其

樊龍張彤黑蓬頭首級仍應剉碎與同各犯首級懸否傳

示天下以爲土司目把人等反逆不軌者之戒

湖廣道徐卿伯奏曰臣前疏欲督臣張我續救黔路由綦

江住遵義蓋遵義通川貴之呼吸扼水蘭之吭背去貴陽

不過三百里可以作黔省之聲援去平越不過二百里可

以爲撫臣之犄角至于牽安酋使其內顧而省圍自解斷

水蘭不得合交而奢勢亦孤爲黔爲蜀計無便于此也亦

論總督宜駐遵義不宜居辰沅情形機勢了然井然可謂謀國之良謀夫處而遵義英阻然則黔省之一

進一退共  
係利害處  
略小哉

無重于此也。譬之奕，此點眼一着，而全局皆在我矣。督臣聞命之日，即倍道而趨，尤嫌其緩，乃職閱其仰遵。

明旨一疏，大意欲住辰沅噫吁，悞矣悞矣。夫辰沅在黔之東，去黔尚千里，其進師也，止能解黔一面之危，孰與夫三方適中，形勢利便，如遵義者之爲得力也。且所責督臣援黔，政以其見在兵將堪以應急耳。今舍川適楚，又須一番料理，道里迂迴，不知久圍之黔能待乎否也。職謂督臣斷宜住遵義，再不然，令鄖陽撫臣暫時移鎮沅州，事平即回，俱無不可，而督臣展沅之住，當夢想不到者也。職請以遼事喻有毛文龍以住彌串之間，可以窺奴不敢狂逞，使

文龍今日回而繇山海始出廣寧繇廣寧始趨遼陽則失  
算矣是役也何以異此伏乞

勅下兵部即刻議妥馬上差人傳諭張我績無得畏難遵  
義規避展沅致悞封疆責有所歸矣

四川巡按張論塘報夷情事奉

徐作御之  
言在耳也

聖旨遵義不守賊復猖獗着督撫各官調度兵將堵禦援  
勦總兵官就近推用餉銀着上緊措解馬鳳雛勤事死難  
併龔萬祿等俱與優恤該部知道

命魯欽以原官總川湖貴州土漢官兵進勦刻期起程  
貴州巡按史永安上言安酋叛逆罪惡滔天萬難招撫六

擬二封  
北城殿  
第幾堂

月初九日接貴州巡撫王三善題稿一通臣讀之知臣奉  
稿二通撫臣業已代題矣安酋叛逆與黔省困危情狀得

達

聖覽我

皇上必不忍棄置此一方赤子于度外大兵大餉當旦夕  
至矣第讀題稿内有部咨所稱奢氏母子自足以制邦彥  
一語與臣書内有稍緩征戰規其動靜若首鼠觀望即內  
外夾攻擒之未遲等語臣不覺仰天長嘆恐撫之一字悞  
黔之生齒封疆不淺也夫部臣遠在萬里揣摩未真或因  
拯救無術姑爲此漫語塞責無足怪者第撫臣至沅州不



時斗米五兩  
無處可  
覓強寇外  
攻飢兵內  
証人民相  
食救授不  
至熱之爲  
然亦炎及  
天城守諸  
公之勞不  
既烈且廣  
哉

爲不久矣。臣告急文移求援塘報日日遣發矣。安酋叛逆聞之不爲不悉矣。豈尚未信爲真耶。豈臣原稿爲賊所得被賊改竄。撫臣代題者非臣真稿也。撫臣何爲望臣稍緩征戰。覘其動靜耶。不知安賊動靜臣覘之已久矣。第覘其自二月初九日統領蜀賊苗仲數萬圍攻省城。今五閱月矣。其造雲梯製滾廂築墩臺百計攻城矣。又恨士民之固守將環城墳墓無不剝掘枯骨無不拋擲矣。其今日打一堡破一寨擄掠男婦數百自西山過明日燼一洞殺一堡劫掠牛馬數百向東山過矣。第覘其今日縛我一塘報明日縛我一居民矣。又覘其今日挑戰明日環攻而無休息

矣。又覘其沿山扎營，四面伏路把截，尸骨遍野，致令播種無地，運米無門，城內軍民餓殍無數矣。外此又覘其攻感清、攻平堪、安莊、烏撒、安南、普安定、番貴房矣。又覘其陷安順、陷廣順、龍里、畢節、赤水矣。其殺思石道副使孫克恕、安順府推官徐朝綱、廣順州知州鄭鼎、擄駐鎮畢烏同知楊以成、迤西守備王懋淑、各衛所等官，殺擄更不知凡几矣。安酋之動靜大略如此。叛耶？非叛耶？征戰可緩耶？不可緩耶？聞撫臣趙兵趙餉，倍極苦心，倘數萬精銳飛電而來，藉其威稜，退賊三舍，果啓其首鼠觀望之心乎？乘勝長驅，固可殲渠魁，赦協從，亦可彼時勦撫惟意，又不必執言夾攻。

矣。大抵安酋之叛也。安邦彥偶之。四十八枝與頭目安邦  
俊魯連安若山陳其愚。陳方典李希堯等和之。奢社輝至  
今部咨謂奢氏母子自足以制邦彥。豈非邦彥叛而奢氏  
未叛也。況安之叛至三省土司。在在狂逞。處處盤據。千里  
之內。生靈殺擄殆盡。地方戕破無餘。臣獨恨將怯兵寡。不  
能一啖賊之肉。寢賊之皮。尚欲緩其征戰耶。緩之尚有悔  
耶。聞二月內賊困普安安南最急。該衛求救于滇。滇撫遣  
都司李天常領兵四千來援。意主招安。戒其不許妄殺一  
夷。賊首羅應奎等率衆詐降。迎西盤江渡口。執禮甚恭。誘  
至疊水舖。賊伏四起。遂致天常全軍覆沒。此撫之爲害也。

近自安營逃出。擄民有言。撫臣所遣招撫官員。已被殺。灰  
者。有言已送還者。殺之尤。叛賊常態。不殺不知作何伎倆。  
盤江之覆轍具在。撫可易言哉。從來局內之人。多言撫局。  
外之人。多言戰。今撫臣日在圍城中。倘若可撫之職。何苦  
言戰。况賊未叛之先。臣之撫之者。不翅傾肝吐胆。及叛之  
時。臣之撫之者。不翅舌敝髦禿。如可撫。豈待今日哉。圍城  
之初。賊射書云。爾城內之人。觀此景象。尚可解散否。蓋賊  
已咲我之言撫矣。况賊焰已熾。何所畏而聽其撫耶。夫黔  
當萬分危急之秋。切恐朝端之上。與來援之臣。爲此撫  
之一字。耽閣稽遲。致令黔之生齒。必不能保黔之封疆。必

不能守也。敢以一言道破。惟祁

皇上發雷霆之怒。迅風雨之師。則全黔幸甚。

上念黔省城守功力。陞撫臣李榕兵部右侍郎兼右僉都御史。按臣史永安太僕少卿。仍命協心調度。相機戰守。務保萬全。其餘文武將吏。統俟圍解之日。一併優敘。

贈叅難副使孫好古大理卿。廕一子衛千戶。世襲與祭葬。候補科吳弘業條議蜀事。奉

聖旨。沐昌祚世守滇藩。這征調援勦等事。着給敕聽便宜。行餉銀除奉旨給發。其本省各項錢糧。該鎮併督撫各官。准暫湊用。仍着該部議處接濟。不得專靠請帑。建昌道路。

已通新任撫按官推他上紫前去到任不得仍前延緩沙源等加銜復職已有旨了

### 備紅夷

福建撫按題稱前事兵部復請疏曰紅毛夷部落種種殊不可考萬曆三十三年實以兵船泊閩之澎湖島嶼奸民潘秀等實勾引之六閱月揚帆而去何以生心而至何以未飽而戩我不過憑降夷者之三寸第聞沈有容以美食饋之以其言退之耳夷是役未甚知有大利也然而儀智頗開情形漸熾十數年大舟巨炮截我商于交洲呂宋之間者殆無虛歲絲綿貨物悉為彼有而商亦稍稍避之夷從海上無所獲遂欲如粵夷例住內地而與我為市之粵不得轉而之閩初尤泊十二艘于澎湖今且以三舟直入嵵嶼矣其欲愈奢其勢愈迫其船則前後左右俱裝巨炮一發十里當之無不立碎我雖有利亦勿可與敵雖有銳兵勿可與戰倘或僥倖一勝徒足厚彼勢而損中國之威無益也又聞夷舟高大堅厚利深涉不利膠淺其大利水擊不利登岸食糧有限

要虎建計

以是史才  
不負所舉

人數不多云亦當自去所患附近奸民誣其厚利貪其  
高值私載食貨而與之通而沿海諸將幸往往多不法  
受賄賣放以汎宇之兵船咸交通之穴數則閩之憂該  
不在細毛表而在奸民必不在奸民而在汎宇兵將也  
該撫按所稱嚴禁接濟不許寸板下海使其坐困而又  
令鎮道諸臣提重兵就近防禦使不得干聞亦猶其不  
得志于粵即不須却以善詞而數月之內未有不鼓棹  
連去者也既經會題前來相應復請令候  
命下移文該撫按  
衙門遵照施行

給事薛大中請擢耆碩以光史典疏曰惟國有興立必  
重信史謂其以一字褒貶佐刑賞之不逮而丹青片語令  
其人亘古如見于以維人心持世宙賴至重也我

皇上嗣服之初重崇儒又橫經進講千載一時欲紹述  
先朝美政加意實錄木天弘開羣賢萃止較舊編摩各優

長其間揚

兩朝之鴻休樹百代之令模者豈曰無人而才不厭多編  
不厭富耳目聞見之閱歷久則議詳而儲備是以獲麟之  
筆勤于暮年垂憲萬世者無論矣他如丘明立言于既厯  
董狐決策于志違即歷代良史屈首班馬必得之名山大  
川徧遊之餘商古確今論定之久故其文益肆而著益核  
司馬通鑑纂之宦成紫陽綱目剛于學老即我

朝丘文莊諸儒每以老練方成一家皆足取信一時光耀  
千古夫孰非篤任耆舊發抒積學之明效大驗哉今

聖明羅才恢張天網宰職虛已日開東閣凡講幄勞臣爲



公論共惜在廷業。樂搜類舉。野无留良矣。乃五十餘年之舊詞臣。舉世咸推其詞淵學海。如李維禎者。久稽啓事。非所以崇名儒而光盛典也。按維禎一生著書。奕葉清芬。東北迨歷疆土。隨分盡職。毫無拂色。論其孝友大節。不愧古人。雖以不類弟李維標。骨肉姦賊。亦委曲友愛。卒若干訓。此誠近世士類之所難者。昨起用清卿。竟以人不盡諒。決意懸車。今事過論定。又值史局需人之日。凡布衣名流。交章論荐。無非欲資一得以裨大典之意。而宿學舊臣。五十餘載。反不令留寸墨于鴻篇鉅簡之間。竊恐凋謝之後。有讀其遺書者。不能不爲一時用人之大惜也。彼蔡邕。竟卓。

欲留以成一代之史。危素再仕。

高皇帝心厭薄之。特以元史未成。容其卒業。愛惜良才。棄短取長。從古如此。而况完名完學如李維禎者。可不亟爲起用。得操直筆于秘館哉。又有原任刑部主事周獻臣。學問該博。文章鉅麗。與李維禎結契論文。雅稱金蘭。所當如宋啓明事例。以翰林院待詔起用。令其共珥筆于天祿。參佐載紀者也。外此如昆宜諸人。亦小有才。然其言則非。職旣惜史才。又慮世道不敢混收薰蕕。以濫奏讀伏祈皇上念史典綦重。史才綦難。

勅下閣部。將李維禎周獻臣即時特起。俾預纂修之列。

或與董其昌共事留都考求年記早成實錄庶黃髮無憊  
青史永賴而我

皇上慎重史局得人共理鴻模駿烈與天無極矣奉  
聖旨李維禎學問優長着與推用

山東登州府通判王一寧上言援遼原抱同心報國豈  
懷異見敬陳悞聽謫因兼報出海日期懇乞

聖明亟賜褫斥以安愚分事職間遇事而協謀者就臨事  
而忤見者危職讀聖賢書閱古今史豈不知臨事好謀是  
何等語廉藺寇賈是何等人而身墮于至危至險之中乃  
當此無踪無影之謗耶謹請爲

皇上備陳之臣一介書生去年因憤遼瀋失陷挺身獨往  
朝鮮借兵回至鎮江適遇毛文龍禮聘決策擒獲佟養貞  
俘獻闕下蒙

皇上欽賞職銀五十兩及後部科僉議授職以通判之職  
職受命飲冰圖報無地及今奉

聖旨前往朝鮮救援毛文龍叅酌軍機相時征剿職于五  
月二十五日出都六月二十日蒞任隨將所帶官丁八十  
千監軍海防道處過堂開糧因船兵未到齊候至七月十  
八日祀海開洋間忽奉登萊撫院批道據平遼副總兵毛  
文龍呈稱上年在鎮江差生員王一寧及加銜守備蘇其

民解功請兵。今春千總李景先回稱一寧等船駐鉄山。改換文書有孫尚武者。蘇其民。奸彼之女。冒名領賞。真叛偽官。李世科是一寧受其二十金。改在歸順數內。并插入由棍名字。及世科歸嶮山殺人。是一寧受賄所致。公文九角止。投二角。有功官員都無陞賞。各懷憤恨。等因。職讀之。嘆曰。異哉。何異國來。此異聞哉。夫文龍與職桑梓至誼。蔭莩至情。他鄉契結。患難共之。蓋骨肉不啻其切也。胡爲乎來哉。此語。職涕曰。必此天之不欲職捐此餘生。以助文龍成此斬賊恢復之功乎。何物李景先。么磨。讒口。毒人。一至此乎。蓋景先向在遼。與職有隙。此番以職將佟養真等俘獻。

必獲我

皇上優賞如之深故不覺讒之毒也職不意文龍豪傑聰敏與職如此交情乃爲一謗言投忤則文龍亦大乖生平矣且無論職與文龍爲官職係生員原未授半職屬文龍轄文龍未得輒稱差職第請就其所謗者臚辨之李世科者文龍所錄鑽之解犯也當其跪赤附舟時數日不得食賴者民單文傑食之則其貧可知焉得誣職受賄及世科至廣寧方按院因其善辨釋之且收之答應是方按院放之也焉得誣職賣放文書九角除經撫按院今遭離亂無憑查考外其投兵部者見存明開擒獲嶮山守堡李世科

並無歸順字樣且文龍書手張元祖可弔審也焉得誣職  
改文龍鎮江功員係去年七月內擒獲佟養真文龍千次  
日即差家丁從陸路馳報撫院據此具題蘇其民所齎  
報功公文行按院查核未蒙題覆兵部及通政司可查  
焉得誣職埋人之功以致衆懷憤恨抑不特是也李景先  
以去年十月內復回鎮江既稱職有改換文書等弊何不  
即于彼時稟鳴經撫而及今方言此又最不可解也切職  
原奉

欽旨渡海救援文龍文龍弟聽李景先無稽一言以呈投  
登撫職豈敢因文龍之言輒中止以違

皇上之命生死須走此一遭故今以八月十三日解維揚

帆出海但職既被詢朕焉敢擔重以故原奉

兵部

題准解餉銀五萬兩今盡數辭解交與守備唐堯卿等而

僅留一千兩隨帶官丁廩糧之費原題准領過海兵三

千今盡數辭領交與守備汪崇孝等而僅留八十八名爲

隨身隨役渡海之用嗟乎職異域孤踪形影相弔此千金

爲八十八人食給所延幾何時職此去惟有藉文龍爲命

耳文龍與職素契結無嫌猜職面文龍時自當負刑以請

諒文龍國事爲重即職有大罪狀定當冷然一咲釋然

與職交好如初共圖勦勦惟是李景先無端謗職天下咲



職者謂此行不入虎口必葬魚腹然天下豈無知職者謂  
此行是重

君命亦以敦友誼哉嗟乎職本書生苦志燈窓顙毛雖種  
種矣鉛刀尚圖一割倘職辱文龍之收而倖共成功乎是  
職之幸也倘職不辱文龍之收而喪身他鄉乎是職之不  
幸也倘既不成功又不喪命將此八十八人飢餓于海上  
既如觸藩羝又如粘壁蝸則惟願

皇上亟視職容復還青衿仍歌咏我

聖世菁莪朴棫之化且甦此八十八人之命是職不幸中  
之幸也職今出海去矣落腮盡魚不能以文佐太平又不

文林不實  
寔信無憑  
之言以自  
揚其同心

能以武紆宵旰。徒立後來人榜樣。曰武臣之未成功也。多藉文士之籌謀。武臣之既成功也。必謗文士以究死職。回首五雲。不知其涕泣之何從矣。

贈袁應泰兵部尚書給與祭葬廕一子。本衛正千戶世襲兵部請旌義烈土司。

贈彭象都督僉事。彭象周彭鯤翔彭天祐各。

贈都司僉事。

奉旨接遼一門戰歿。真恤錄之所不容緩者。

兵部尚書兼東閣大學士孫承宗以災變頻仍。引罪請免。大約謂九月雷已收聲。雨亦稀少。正各兵權建營房之日。

忽于二十三日雷電交作、風雨晦冥、而雷更迅、歷寅卯兩  
時始晴朗融和。至次日時當午後、有聲如雷、有烟如雲、偶  
起西城外得總兵江應詔報、有守備丁起鳴與張愷試銃  
于寺、延燒大寺、寺中舊貯兵器、臣于先一日令沈杜兩主  
事查盤明白、今舊物未甚失佚、獨新造火藥二萬餘斤、一  
時盡燬、火藥有五大局、向沈主事又新造一總局、此係造  
成、尚未入局者、臣初聞疑有奸人爲謀、再四審覈、供報相  
同、委屬試銃而歿于其旁者、籍籍如張愷輩、皆關於火藥  
之人、則其非他人所至可知也、方提捕該管員役嚴行究  
處、至次日水兵營游擊金冠等報接濟過十三山遼人三

十四名口。據難民口報。如首自八月十五日圍十三山。至九月初六日。山民破陷。夫百務方興。秋防甚急。天出雷風之儼。臣何敢謂遠不可愆。而况軍務之急需。即秋毫不可損。而二萬頃。殘于一炬。中原之赤子。即子遺亦可憐。而萬千逮敗于久圍。此其天心之愛。既而嚴切人事之殊。更屬惕勵。除臣與合鎮文武。痛加修省外。伏念臣督理一方。所關甚重。而臣又輔臣也。天人之變。又不專于一方。懇乞皇上大奮乾剛。嚴核邊政。立罷疎庸之臣。以謝天人之儼。臣無任悚切待命之至。奉

聖旨。卿到關。諸事已與整頓。今雷火示儼。正賴加意綢繆。

以安疆圉何必謙讓該部知道

禮部接出

聖諭天啓二年十月十六日丑時朕生一女該部知道

御史蔣允儀上言賞罰宜新奉

聖旨周蓐城守有功着即議起用林宰徐如珂從優議敘其餘道將各官著有功次被人指抑的都着查明具奏張我續屢奉

勅諭嚴旨督援勦賊不得輒議更章以致推諉

贈章文炳太僕寺卿廕一子本爵副千戶世襲

欽點冊封各府正副使代府趙之龍甄淑肅府劉嗣琛霍

守典、益府、趙時用、李芥、晉府、李國樞、李彬、唐府、黃龍光、盧承欽、韓府、王廷、宋鳴梧、慶府、金秉乾、閻可昇、趙府、李精白、陳堯言、潘府、李孫宸、張其平、福府、魏大中、李昌齡、建德王府、繆昌期、金麗兼、樂安王府、韓日纘、謝雲化、

鄒城恢復。元克就擒。巡撫趙彥恭報蕩平。完局。疏曰：鄒魯本禮教之名邦，忽有白蓮之妖孽，蓄謀日久，睥睨甚奢。乘邊疆之多事，因人心之易搖，輒敢糾衆倡亂，僭號改元。一舉而陷鄆城，再舉而陷鄒滕與嶧縣，殺人如麻，虐焰薰天。南北梗塞，遠邇震動，誠百六十年未有之大變也。元兇徐鴻儒，極奸極狡，如鬼如蜮，始稱雄於梁家樓，爲我兵所敗。

逸過河東。繼竊據于紀王城。又爲我兵所敗。逃入鄒縣。結  
納。壯士五千人。廣布走馬數百匹。忽然在鄒縣。往來召號。  
踪跡詭秘。又善能用衆。群賊效死。善能守城。我兵多傷。故  
攻取鄒縣三月之久者。以此賊爲之祟也。職等竊計此賊  
不除。終爲國家之患。隨令總兵楊肇基挑長壕。設長堤。  
以困之。如天羅地網。水泄不得通。又掘隧道。築馬道。爲必  
取之計。賊之力始窮。而食亦垂盡矣。職等竊計城中男婦  
尚有數萬。逆黨固多其人。亦有無知被惑者。亦有強擄入  
夥者。勢非得已。情有可原。破城之後。不免玉石俱焚。恐傷  
天地和氣。恭釋。

皇上顯仁  
諸公陰德  
合而編皇  
國家靈長  
之祚

聖旨。愚民被妖賊誘惑。已多就撫。朕心慰悅。欽此。仰承我

皇上好生之德。解網之仁。宣布

皇恩。准開一面。各照州縣分發復業。總計全活凡三萬餘

人。皆我

皇上納稅供賦之赤子。無知而入陷穽者也。職等仰體

皇上之心。槩與矜全。非敢屈法以市恩也。兵法云。全城爲

上。破賊次之。諸將士之功。視破城爲更大矣。妖氛已靖。城

池已復。殘賊之逸入徐豐者。又復追勦無遺。而隣封之北

直河南。并無一賊之擾。征討之局已定。諸將士之勞不容

泯也。前後功次相應。題復乞



皇上 勅兵部照例施行

天啓二年十月十九日平東總兵楊肇基塘報云照得  
賊首徐鴻儒自解城發難鄒滕三縣相繼陷沒本鎮  
荷撫按二院會題督勦隨同兗東道徐從治於六  
月初九日發兵十一日恢復縣解鄒城曲阜之圍遂次  
師兗府七月初七日奉部院同監軍道王從義徐從治  
誓師大會與諸將戮力同心剿平二夏店紀王城澤山  
等處巢穴續天津監軍道來斯行統領援兵七千員名  
至相與復勝城平錫山救豐沛殲餘氛計大小三十餘  
戰俱獲塘報訖鄒縣圍久未下職自錫山旋師賊大怖  
賊首徐鴻儒都督侯五偽總兵魏七等據城乞降拔去旗幟  
奈徐鴻儒狡詐百出高尚賓歐陽德鄒九敘許道清等  
三百餘人復行死守本鎮與諸將分地督攻部院傳令  
徐鴻儒不出即四面攻城一人不饒眾賊流懼始撫徐  
鴻儒出城就擒駐紮軍門適值按院以視師臨兗下令  
解圍本鎮同三監軍道點名給票于十四日安撫各  
州縣之民于十六日安撫鄒縣在城在鄉之民共二萬  
七千餘名造冊呈報收過馬騾三百餘頭即給發縣以  
供驛遞之用神鎗七百四十五杆大砲二百二位大將

軍銅鉤五尊、錢斧九十九柄、短刀一千三十具、長鎗不計其數、弓箭一千五百副、鎗盔甲共一千二百副、藤牌共一百一十五副、銅錫十四口、俱經縣官驗明、收貯訖、恪遵憲禁、無無一兵敢入城內、動一草一木者、但見城中百姓俱焚香結彩、迎新縣官、反側之地、復見漢官威儀、良可慶也、至于潛號收元之賊首、徐鴻儒等、皆械器繫府獄、無一漏網、真所謂殲厥渠魁、脅從罔治、罪萌寒而

皇仁廣矣

按巡撫趙疏稱、總兵楊肇基當機審、而謀出萬全、料敵明而功收百勝、東亮監軍副使王從義、兗州監軍副使徐從治、天津監軍僉事來斯行、運籌則群策群力、兼收督陣則八戰八克、並奏山東都司楊國棟、僉書廖棟、天津都司劉永昌、冒險冲鋒而力戰、復掃巢穴、以成功、內劉永昌以報國之忠、兼保家之念、每戰必克厥功、尤著、以事驗之、洵非溢美

二十七日、城守火藥被焚、巡視科道劉弘化、劉芳等奏言、自有遼警以來、火藥草廠屢被焚燒、深求之、有奸細之疑、

淺求之有冒破之疑承常監督官員自難逃咎

左都御史鄒元標四疏乞休奉

鄒元標子告

聖旨卿者德真儒忠誠端亮方賴總持憲紀表率羣僚乃屢疏控陳情詞懇切特從雅志准馳駟回以需召用仍加太子少保以示眷懷該部知道

若若

左都御史鄒元標去國情深疏曰臣一介書生

既國家之

三朝秦養犬馬無知尤知報主臣屬人類而敢忘君臣

今其一日

欲望闕叩首行矣思今國家大事惟在憂虜策虜者

印

何慮數千百人以臣愚見視定守之一局夫粟不遇數萬

東事

車而帶甲不滿數十萬者未易言恢復也即恢復矣其誰

與守

陛下無輕信詣人急恢復也。廣寧還我則內顧有基不然山海岌岌矣。薊遼永平二大鎮。戚繼光壘城當修補品字田形。亟當議行。此竟塵故牒。臣嘗思遼之失始于李成梁。李成梁封伯。遼之諸人各有雄心。每殺熟夷上首功。家家萬戶侯者。然首不解之仇。尤于殺其祖父。故今稱戈不已也。且一鎮之內。絃管四沸。婦女衣翡翠。竊比王侯。男子習狙詐。奈之何。天不厭其地而使淪于夷也。次壞于高淮。淮在遼東。地皮欲穿。人人思亂。而遼遂不可支矣。三壞于鎮臣。往者遼才而昇。近皆半門生故吏。敢效之橫卒。而諸鎮

臣自囊人參貂皮外別無奇策惟聽李成梁鼻息以取功名而以全遼界奴首矣今言之可爲豎髮

陛下豈盡知乎

陛下次憂在黔酋蘭酋之逞也蓋蜀遠而黔近其種種作惡黔撫臣按臣數其惡狀當兩臺按院及諸縉紳起而與黔爭養如嬌子釀至今日楊應龍非真有叛謀也五倫滅絕自其常事好事喜功者開其端徃勘居間者利其賄勘不足憑居間不足憑惟有獸窮必鬪爾安酋鑒彼覆轍原蓄异志貪夫因其襲替而遂激之今炎炎之勢未易撲滅料其所自必敗者有四背面受敵必敗者一四十八枝人

皆有心間而携之。從中爲難。必敗者二。我雖無餉。楚與海尤可策應。彼之農已兵矣。田土荒蕪矣。餉未必繼。必敗者三。我兵有制。彼留衆自綿被斗櫓外。一鼓而竭。望岩以奔。能善召之。又爲我用。必敗者四。有此四。收彼自作孽。然我應之。亦有三難。播州在一山中。環而攻之。其勢聚。安酋四面受敵。我亦四面出兵。其難一。昔一擒酋。三大中丞。方能成功。今當用中丞四。始可動兵。其難二。昔物力尚盈。今當家空人竭之時。非發內帑。不可濟其難。三。將才別有一種意態。今輻輳京卿者。异才也。新發于硯。尚屬朝氣。在當事遽而收之耳。用之于試。不如用之于習。四川左布政林

宰。夙有令聞。功在危城。可任蜀撫。原任巡撫朱熹元。即以左司馬兼總督。付之搗巢。奢首可無憂矣。見任少卿潘濬。原巡按貴州楊鶴。今付以黔事。舊日封疆。諸若指掌。可借箸也。又如原任尚寶司卿彭遵古。給事段默。原任知府黃洽中。皆有軼才。可使楚與黔近。朝命夕至。惟

殘簡

陛下擇而用之。今天下加餉民窮極矣。民望久矣。臣嘗告司農汪應蛟曰。宜先減半。付之各省。兩臺司道府縣私爲議處。但可爲民拯水火之厄。不必究其施爲一律也。惟陛下毅然行之。

陞天挺聖神。即位二年。動法古帝。以臣度

陛下必享有道之長。

陛下即位未幾，黃河澤清，與

世宗初年一致。地呈瑞者一項，山東亂，糧船難渡，天雨半月，賊窘，嶧山飢歿者半。天助順者二年，穀豐登，民皆有秋。天助順者三，雖各處有賊寇之倣，然

世宗初年亦始于山東如福建如大同三處見告今日時勢與

世宗朝無異，在以定見定力挽回天意耳。

陛下一身。

天地祖宗之身山河



社稷之身也。語云：自天子至于庶人，一是皆以修身爲本。臣謂修身當以養身爲先。孟軻氏曰：無尺寸之膚不養，又曰：養心莫善于寡欲。養身要矣，寡欲爲先。寡欲則精日充，精日充則心自廣，體自胖。是爲德潤身。臣嘗見市人一瓜一菓，時時津潤，不使枯槁，因思潤身之旨，不敢賤惡其身。故敢以養身之言進。即此是精一，即此是克復。帝王大經大法，即此爲之根基，亦所以爲社稷也。內帑時發，臣不爲陛下憂。所憂者在民之聚散耳。先是有問財聚民散之旨，臣語之曰：財猶水也，水欲其流，不欲其聚，水之聚也，必至漂屋蕩舍，民惡得不徙。水之散也，民始安土，剪茅以居，惡

得不聚。

神宗拮据三十年。內帑之積雖爲兵事散盡。好賊騙盡。此亦聚散常理。內帑空而邊事寧矣。有志士紳且視阿堵如糞土。而況居九五之尊。順天應人之

聖主乎。百姓足。君孰與不足。

陛下可以理自信。凡有請者。慨然捐發。無憂貪矣。近時臣工或以門戶自相疑猜。此從身名上起念。臣與冢卿張問達相處年餘。

陛下試問張問達。臣曾說門戶中一人乎。蓋臣實見天地間。草木一民一物。不忍傷殘。其有才有猷者。安其職。

事而已耳。又實見得人之稟氣各有偏全。人之識見各有高下。從德性用事者。反求諸身。不作異聞見。不作人我想。從情識用事者。但求諸人。東猜而西疑。左旋而右轉。曾不思前數年諸人。始而酌水盟心。既而倒戈相向者。何人而猶不務行所知。以不負所學能耶。

陛下洞燭其情。處之以和平。則

朝端享清靜之福。不難矣。年來一種委靡退託之氣。急宜頓整。如諸臣建一議奉

旨必行矣。願得

旨必令速抄也。抄而未必卽行。行而未必卽覆也。且捫一

臣年推一年兵餉政務俱從口角上談過山

上無責實之令故下多因循之習愚謂一科宜管二月自  
正月至二月以吏科始凡奉

旨下部者限以某月完如各省考成事例一冊送閣一冊  
留科至雙月終科臣以完與未完事件報閣取

旨上裁六科總一考成不完者謂有差等庶幾事事著實  
不記之空言矣世之所避忌者惟府怨耳苟真有爲

國家心即府怨何妨丞相要開河功高怨亦多千年萬載  
後功在怨消磨古人已言之其千百載下自有知之者不  
必避也然廢棄諸臣老成端重者不必盡徇常格山林久

殿

滯者亦當念其衰遲公事見逐如熊德陽等亦當早為牽復以天下人才襄天下治平以扶我

皇上億萬載無疆之祚臣身在草莽得覩

堯天舜日之盛臣生固榮歟亦榮矣臣遠離

闕廷不勝耿耿血誠之至

翰林院修撰文震孟為國步恭艱

聖衷宜啓敬陳勤政講學之實以裨治本杜亂原事職聞

古語有謂厯火積薪以為安者可為痛哭乃今日之勢豈

惟厯火幾于燎原矣奴賊兇氛正熾羈虜隱禍方深徐淮

一震則江北江南將為蹂躪之地黔滇不守則東楚西楚

針時病痛  
入世隨處  
者為之明  
者師焉能  
歲餘極其  
大臣正色  
立朝之度

且虞惟擾之憂濟濟班行未見腹心爪牙之足寄紛紛矣  
餉惟聞瘡痍溝壑之堪悲蹙地喪師無歲不有敗軍殺將  
所在相聞此真大小臣工戮力同心嘗胆卧薪之日而因  
循格套粉飾虛文即

皇上具爲堯爲舜之資亦毫無啓心沃心之助將使

祖宗金甌無缺之宇宙日銷月削勢將瓦解東支西潰又  
同河決此皆諸臣誤國以至于此明知火之將炎而處  
堂自若但候火炎而燕飛亦料水之必沸而遊釜安然猶  
冀水沸而魚躍此又諸臣自愚而自誤今日非

皇上獨奮精明大破常格以鼓舞豪傑之心發舒忠義之

氣天下事固未知所終也。蓋常人之情激于震發則富貴之士皆可引于功名安于頽靡即道德之士未免流于迂腐。

皇上昧爽臨朝寒暑靡輟于政非不勤矣。而勤政之實未見也。鴻臚引奏跪拜起立第如傀儡之登場了無生意則

皇上之聰明何由開暢職意

祖宗之制倡六科則六科必當以次白事。唱西臺則西臺必當以次白事奉

旨某部知道則某部之正卿亞卿又必當以次白事。職糾

彈者糾彈職條奏者條奏剖折機宜獻替可否

皇上憑而聽焉與輔弼大臣面商而裁決焉雷厲風行斷不踰頃不惟

聖智日以明習練達即在廷諸臣亦且可以徵其氣節可以試其倉卒當事者日精思于職守之內而無有軼志事外者亦興起于景色之新而各有奮心若僅僅揭帖一紙長跪一諾非面一揖周旋進反祇畢朝儀安取此爲行矛鏑橫玉腰金者爲也經筵日講臨御有期于學非不講矣而講學之實未見也史臣進講鋪敘文辭第如蒙師之誦說無少開悟則



皇上之庠塾何自周通職聞

祖宗之朝君臣相對如家人父子軍國重事間間隱微無不諮詢無不洞達故雖深居九重而情形畢照懷奸挾術既無竇可以自藏左右近習亦無緣可以蒙蔽若僅尊嚴若神上下拱手精神不振提醒不靈恭默之容或久而生倦跛倚之衆亦怠而欲休經傳典謨祇成故事安取此正笏垂紳展書簪筆者爲也

皇上之神情既與群臣不相浹洽則

皇上之靈爽必與天下不相昭融及退入內廷而耳目所觸發德性所薰蒸自不越于中涓常侍之口頰大

大君臨照之體段

帝王宏遠之規模又豈若輩之所能解于是無名濫予而藩封之踰額屢煩中旨之傳宣且以一藩之越禮吁咈盈庭以致諸藩之停封恩亦久墮國典家範盡蔑之爲升髦此何禮也有罪不誅而失機之成案更來衆喙之紛紜恣羅織者既引繩而批根護善類者復因枝而惜櫟

國憲刑章悉付之於葛藤此何法也危如山海而閣臣一出共偷安于無事全虛廟筭何以張撻伐之威慘如黔圉而撫臣坐視竟嚴譴之莫施每事優柔何以成臂指之勢乃近日中朝舉動則更有可異者空人國以庇私黨幾

似○濁○流○之○投○置○道○學○以○逐○名○賢○有○甚○偽○學○之○禁○唐○宋○末○季○  
可○爲○永○鑒○亦○未○有○以○明○告○我○

皇○上○者○耳○去○者○爲○榮○則○仕○者○不○貴○夫○

天○子○之○所○以○勵○世○作○人○者○惟○此○爵○祿○名○號○而○至○使○策○蹇○快○  
于○馳○驛○角○巾○尊○于○冠○冕○此○豈○清○平○之○世○所○宜○有○哉○職○史○官○  
也○本○無○言○責○不○必○深○言○是○非○以○挑○爭○辨○但○念○世○受○

國○恩○更○蒙○寵○拔○目○擊○時○事○陪○危○人○心○玩○愒○每○當○食○長○嘆○  
中○霄○涕○零○故○不○避○譴○訶○臚○陳○時○弊○倘○蒙○睿○覽○稍○見○施○行○  
職○雖○坐○妄○言○生○事○之○罪○所○甘○心○矣○

唐○吉○士○鄭○鄭○昌○言○當○採○疏○曰○臣○蒙○

上于高曰  
文編齊  
自是詞林  
笑談

聖恩讀書中秘既觀往古典亡之轍復覽今日理亂之機  
每○中○夜○屏○營○愛○心○如○持○項○見○修○撰○文○震○盪○一○疏○私○慶○有○爲○  
明主忠言之人意

皇上天佑聖明必將遐思深悟立見施行矣乃候之浹旬  
未蒙報可臣切疑之臣惟章奏之批答官府間之賸理也  
或朝上而夕下或夕上而朝下則君與臣相知君與臣相  
知則大臣不得以擅權譯微惟小臣不得以營窟近臣不得以蔽  
明一付之閤寢而中有不可知者矣夫上書不報者是留  
中之漸也留中不下者是壅遏之萌也壅遏不通者是竊  
弄之機也此不可不深長思也今若經

御覽而留中則非止輦轉國之義若不經  
御覽而留中必有伏戎援粵之奸有識寒心未得所謂考  
之

本朝故事此弊惟

武廟與

神祖末年最多在

武祖時皆因權璫之煬炷在

神祖時則係奸輔之藉叢

聖主當陽如日方始且何以忽蹈其弊此所謂有不可知  
者也

國家之患其奸皆起于不可知及其可知則相顧嘆息而無可如何矣。方今時事日非疆場多故中原有狼豕之突當關無虎豹之雄臣謂此皆已見之病醫者力能可施爲留中之事症候微結非皇上推見至隱未易藥也。臣稽史冊中召亂之端有二而今皆已見之曰內降也留中也內降之屢古用以排斥大臣其機關使人駭而留中之一綫用以陰淆聖慮其徑竇使人疑

清明之朝豈宜有此語有之其未微易者也其未兆易謀也臣願

皇上之早圖之也。臣荷作養。本無言責。但實見留中爲治。亂關頭。且數日以來。未見爲。

皇上言者。故不敢避出位之誅。更陳梗概。伏惟。

皇上丞賜省覽。

國家幸甚。奉。

聖旨。朝儀大典。累朝成規。如何輒肆輕褻。比擬傀儡。藐視廷臣。如戲文。震盪好生。可惡。鄭鄭這廝。黨護同鄉。窺探上意。本當重處。念朕首科取士。新進書生。不知大體。姑從輕。俱降二級。調外任。該部知道。

十一月 乙卯

禮部接出

聖旨 光廟選侍劉氏封爲貞清賢妃、皇二弟、追封爲蘭懷王、皇妹、追封爲悼懿公主、

禮部接出

大學士葉向高懇宥詞、臣疏曰、聖節在通、扶病勉出、恭候流虹之期、共效呼嵩之祝、其一切閣務、非病臣所能料理、今未敢瀆其他事、惟是脩撰文震孟、庶吉士鄭鄮、近以上疏觸忤、致蒙降謫、舉朝臣工、無不惋惜、臣與同官冒昧揭救、尚未知足、動天聽與否、臣欲再申一言、恐益滋煩、咥之罪、然耿耿于衷、終不能已、竊觀震孟所言、講學勤政、



皆

皇上所極留心其所觸

聖怒只在朝儀一節此

祖宗朝相沿舊規非創自今日者震孟書生也但見史冊所載前代帝王無不與臣下面議政事臣下有所獻納無不面奏即在二祖時亦是如此今百官奏事皆是常套。堂陛之分雖存。君臣之情未暢故不勝欸欸之恩而欲效之此書生泥古之過非有他也至于講筵之啓

沃在聖學固已日新而章句之敷陳于宸衷終未盡徹臣等私心向亦歉然不敢以震孟之說爲盡迂也若其

言稍有過激則唐虞三代盛時危亡禍亂等語皆未嘗諱漢文帝賢主其臣賈誼至痛哭流涕長太息文帝亦恬然受之不以爲過千古傳誦以爲盛事。

皇上方爲堯爲舜何論漢文豈其有成心于震孟終不可解哉若鄭鄖所言蓋因震孟疏留中而爲之申請且鑒于向時留中之弊欲杜其萌亦書生之見耳好名則有之非敢黨護震孟也國朝科第重詞臣尤重鼎甲尤莫重于鼎甲之第一人。

天子臨軒而親擢百僚屬目而聳觀至鉅典也今歲爲龍飛第一科關係最重震孟風負時名。

皇上首拔于多士之中。臚傳之日。舉朝相慶。以爲得人。四海聞之。莫不稱快。乃以單詞片語。遽罹謫逐。非但無以彰

聖主納諫之明。而於盛典亦大不光矣。人情遇小小知己。即思報答。苟有所知之人。亦無不欲愛護而保全之。震孟受

皇上千載殊異之知。當何如感戴。倘有一毫欺誑之心。即非人類。

皇上旣拔擢震孟。稱知人之哲矣。曾未數月而遽推析之。亦豈

聖心之所安乎、且今歲館選濟濟彬彬鄭鄭亦三吳名士也、乃與震孟同去、殊爲可惜、竊窺

聖心、或以詞臣言事、非其職掌、故欲小示挫抑、以成就其才耳、然臣觀國朝詞臣、以言斥者、皆得盛名、羅倫羅洪先皆以狀元直諫謫官、至今稱不愧科名者、必以二臣爲嚆矢、而惜當時處分之太過、今震孟等被譴、干彼之名、得矣、使他日以惜二臣者、復惜震孟等得無爲

聖德萬一之累乎、况今悠悠人情猜疑多端、將謂我

皇上之罪震孟等又不在乎、朝儀之一節也、臣草此疏

畢、見臣等公揭已奉明旨、不必申救、臣何敢再瀆、然臣

老臣也苟心有欲盡默而不言是爲負

皇上負國家負

皇祖皇考即生入山中死入地下皆不自安故敢畢其愚如此伏望

聖明俯鑒愚衷將二臣寬宥則

聖德與天地同寬而今名並堯舜無斁矣

玉牒纂脩已完。

勅司禮監送館。

欽賞大學士葉向高韓爌何宗彥朱國祚史繼偕侍郎周道登所正何承順典藉鄭崇光等六員中書陸宗本王應

達等三十四員銀兩紵絲表裡鈔貫

御史蘇瑛理財三要疏曰臣聞古今之言財者曰天地間  
只有此數不在民則在官而言理財者但有開其源節其  
流之二語職觀今天下之財以爲在官耶則官之倉庫何  
如也以爲在民耶則民之蓋藏何如也以爲源未盡開耶  
山澤舟車加派抽扣捐俸事例其絲分縷析無不備具者  
又何如也獨有節其流之一語似乎知之未能詳明行之  
每有逗漏而姑以錙銖毫末之蓄短者當之耳職見今之  
司計者真如拙婦有米則炊無米則餓內外家衆隨餐索  
飯半饑則猶或能忍全餓則與執爨者爲仇當此家計何

如○明○告○主○翁○將○一○家○多○寡○有○無○之○總○數○細○細○權○度○於○萬○不○  
可○省○之○處○議○其○常○經○向○來○豪○奴○悍○婢○慣○作○侵○欺○沉○匿○者○不○  
憚○勞○怨○痛○究○而○追○奪○之○而○後○家○業○可○再○振○也○職○展○轉○思○維○  
條○爲○三○要○望○我○

皇○上○省○覽○即○賜○施○行○所○以○脩○救○於○日○前○者○不○小○矣○一○曰○明○  
示○會○計○出○入○之○數○以○便○相○稽○會○計○之○有○錄○也○進○呈○御○覽○  
則○天○下○之○人○數○與○國○家○之○出○數○

皇○上○必○了○然○於○胸○中○臣○下○不○敢○妄○用○不○敢○侵○匿○矣○公○示○之○  
諸○司○百○執○事○使○之○各○就○衙○門○經○費○中○獻○可○替○否○補○救○可○得○  
而○施○也○職○請○舉○其○大○槩○今○夫○戶○部○工○部○是○天○下○財○賦○出○入○

地也。則完欠分發之數。不可不使人知也。人知之。則用者不濫。求者不奢。有奢與濫者。可議其後也。兵部者。取於戶部。以爲各邊歲額。又取於工部。以爲戰守耗費。說者曰。遼額雖亡。遼費方鉅。獨不可使我

皇上及在廷諸臣周知而熟計之乎。班軍入衛舊額十六萬。是皆有行月二糧者也。今班額僅萬。而各處多題留矣。此二糧者。戶兵二部尚派虛耶。扣寔耶。昨者覆疏。何未悉也。光祿寺掌。上供燕享之需者也。其歲額之盈。縮。厨役之虛。掛可得而議也。大僕馬價之支。消以何事。何地。何年。何月。道買馬之數。亦不宜沒沒也。戶部之各倉米。



豈盡無陳積也。陳者任其日腐。日消。新者乃嗟其不繼。是司庾之守株也。鼓鑄之必有出息。若干亦不可不報也。事例之分二部也。但聞其爭三爭四爭六爭七。而竟不知其所補於二部之經費者幾何也。職即未習錢穀之筭。願使諸司百執事共爲

陛下筭計。以庶幾於涓塵之助者。合會計之明示。將焉之乎。二曰斟酌本折緩急之寔。以省蠹冒。職聞主父偃之言。秦事也。曰使天下飛芻輓粟。卒三十鍾而致一石。以古者豆區釜鍾之積計之。三十鍾而致一石。是以十九石之費致一石也。其可致者僅一石。則官不勝其缺乏而致之必

以十九石之費則民不勝其愁苦官匱民窮馴致於亡亦  
惑矣我國家貢賦其水陸舟車之用大約有倍蓰者未  
必若是其甚然非身所親歷何從知之苟知之而恐不告  
之

皇上乎職今奉差十庫而後知有至微至細之物破冒以  
不貲之費者此矣職見諸臣往往以十庫改折爲請而  
皇上槩未之許也豈非以應用急需之故耶職謂諸臣不  
明開某緩某急一槩而請之

皇上惟未知或緩或急故一槩而拒之職請爲

皇上略舉緩急之目一剖分焉揔天下外解之貨物其爲

用之不可缺者若干或京師所不產之物即不改折可也抑或前日之積有餘則以一年折色一年本色相間而行如浙所請亦可也蓋我

皇上於浙之織造以十四運准其爲十八運矣財本循環似亦宜在所許乎若以外解之費折色買於京商可以得其二倍之用何者其搬運水陸不至歸於烏有所謂不在官不在民者悉爲我用也又有過時則朽爛而不堪用及物粗價賤必數千里外運解以入是以百錢之費致一錢之用殆有甚於以三十鍾而致一石者矣職竊謂自顏料以下逐色估算俱令外解折色而令戶工二部領其買進

之事每月朔望如光祿寺坐門之例又將前件貨物定四  
季通融之值使商人不得驚於貴而情於賤即商亦不稱  
鴈也如是則內廷之好用原自不乏而無名之費轉爲  
有用矣蓋職常閤先朝典故如先臣周忱之爲戶部易  
水磨明盛以擺錫則一盛可作三盛之用陳爛牛皮以煮  
膠其新者又自足用是計臣之能權緩急者也職竊於今  
有望焉三曰速究侵欺虛冒之贓以塞漏卮職所謂節其  
流三字行之每有逗漏者則擬於人家之豪奴悍婢慣作  
侵欺沉匿無有任勞任怨痛究而追奪之者也夫天下百  
姓之輸將亦惟是軍國是給至於外難日發于戈日尋我

皇上且屢發帑以補助。當此之時猶有人心者惟恨一錢不作十錢之用况於受

天子明命藉國家寵靈征兵治器舉朝拭目而撫臂

乾沒如某某三四輩既以有限難繼之物力充其私橐復

以延挨停閣之計較緩其查追臺省章疏言者舌敝抄

者腕痛而彼且揚揚得意或畫錦優游職不知積屢積分

之所抽扣萬水千山之所遞送朴膚敲骨之所誅求考成

叅罰之所勾割千軍萬馬恃此以戰守宮闕陵廟恃

此以呵護四海九州恃此以綏靜而徒爲四臣窮奢極欲

之資也且

此段至今  
人正疑倒

皇上以四臣之所冒爲少乎哉。合其所出之數幾於百萬。以視太倉一歲之入。足當四分之一矣。即諸臣以補助請干。

皇上者。未敢一日以百萬請也。奈何四臣之乾沒聽其日居月諸。花銷沉閣也。

皇上若更有臣如數人者。則不待外夷之侵。內寇之闢。而天下已敝矣。今夫李永芳之叛逆也。裂我疆土。劉保之奸細也。漏我軍機。彼四臣者。殆與叛逆奸細相爲表裡。故職所謂節其流之三字。雖纖鉅不一。恐無大於查追此贓者。此所謂當急而不可緩者也。不則何臣之不能盜。又何臣

之不敢爲盜也。已上三端明白易見亦甚易行。惟望  
皇上速勅當事如議而急行之。則天下之財或可得而理  
餉或可得而克乎抑職又有說焉。凡今日部覆之套往往  
大分畛域。每日某臣疏中條某事屬某衙門非某職掌應  
待分抄題覆職之所言雖事體多端而今日財用則戶  
兵工三部寔其出入之總萃懇乞

皇上將職疏着三部堂上官及總理三部事者作速主張  
與各衙門互相責成刻日

上報庶職言不成盡餅而得措之寔用矣職不勝悚息待  
命之至

本行始末  
因運人才  
悉攸賴之

御史蔣允儀、敬陳扶陽抑陰大義、疏曰、臣備員西臺、列在  
交戟之內、恭遇我

皇上萬壽聖節、獲與千官萬國、共效華封之祝、而

皇上聖誕、恰在冬至之前、當九龍結

聖之辰、應五緯連珠之候、陽氣方至、璧星正申、猗歟休哉、  
臣觀古之臣子、自

聖誕、則有千秋金鏡之獻、遇冬至、則有進履貢襪之事、所  
以祝泰寧而介景福、如此其至也、臣聞冬至之節、陽氣應、  
黃鍾通、陰陽交爭、陽氣尚微、故先王于至日、閉關扶助微、  
陽、以養成來復、



皇上以當陽之聖主遇一陽之令節所以扶陽抑陰調燮大和而維持元氣者在此時矣臣謹比類而悉數之夫賢士大夫陽也宦官宮妾陰也

皇上恭默臨朝緝熙懋學其于陽德可謂如日之方升矣然深宮燕閒之中尤宜提醒體認譬如對賢士大夫至于頻笑必嚴威福維辟盡杜擅竊所謂冬至子之半天心無改移者此扶陽抑陰之一大竅係臣所願首爲

陛下獻也中國陽也夷狄陰也西蜀東省相繼獻俘捷書時聞稍吐連年屢屺之氣然薦食之奴酋方窺伺于一關之外視師之行重煩樞輔恐非中國高枕之時也宜

亟允臣同官劉廷宣之請更置大帥選擇監軍于以  
新壁壘而煥旌旗庶幾捷伐之威振而陽德以奮乎爵賞  
陽也刑罰陰也非例之指上惠等封旋見停止失事之辟明啓爰  
書可謂陰陽不二矣然囊頭之人犯每路斃于三木之餘  
罪囚之蔽不出司寇恐非先王泣罪之意也宜深省科  
臣尹同臯等之疏蠲免立枷永除苛政庶幾好生之仁合  
而陽德以光乎至于君子小人之爲陰陽也係于國運  
者也君子進而陽長也小人進而陰長也君子小人互爲  
進退而陰陽倚復也關于國脉者也

皇上御極以來遺廢登用言路疏通真陽長陰消之候然

而有可慮者。三朝之遺老。以講學而去官。一代之名賢。以謹言而削籍。切直敢言之臺省。未盡以三折而收。連翩抗疏之詞臣。反至以一鳴而斥。典刑日寡。士氣日衰。恐亦非。

皇。上。之。本。意。也。年。來。門。戶。畛。分。網。羅。密。布。丁。巳。之。察。凡。抗。論。國。本。繫。藉。正。人。者。靡。不。巧。加。羅。織。橫。被。摧。殘。陰。邪。盛。而。陽。氣。傷。馴。致。有。夷。狄。之。禍。今。計。期。已。迫。丁。巳。之。事。可。鑒。于。前。矣。君。子。之。氣。屬。陽。陽。則。向。明。其。意。氣。每。多。發。露。小。人。之。氣。屬。陰。陰。則。向。晦。其。謀。慮。巧。于。彌。縫。君。子。之。容。小。人。也。常。寬。于。三。面。而。小。人。之。傾。君。子。也。多。盡。于。一。綱。丁。巳。之。被。

察者。傷。麟。鍛。羽。漸。致。亨。途。而。斬。刈。未。盡。之。英。賢。爲。小。人。所。側。目。者。尤。不。可。不。加。愛。惜。也。詩。不。云。乎。王。國。克。生。維。周。之。積。以。國。家。積。幹。之。才。使。之。摧。傷。剝。落。爲。斬。而。復。生。之。孽。豈。盛。世。之。事。乎。臣。願。當。事。諸。臣。痛。戒。丁。巳。之。覆。轍。尤。慎。防。丁。巳。之。流。毒。早。伐。邪。謀。亟。護。善。類。凡。一。切。陰。邪。小。人。造。單。蜚。語。一。一。禁。絕。此。又。進。君。子。退。小。人。扶。陽。抑。陰。之。一。大。端。也。臣。款。款。愚。誠。靖。獻。日。久。敬。因。聖。節。陽。生。之。候。冒。昧。披。瀝。以。比。于。古。之。人。臣。金。鏡。履。襪。之。獻。伏。望。

皇上留神省納。俯賜施行。奉

聖旨。言官以獻替爲職。多事之時。正當條畫急務。何得浮

泛且近來大臣求去皆因科道官露章攻擊朕何成心察  
典屢奉諭旨臨期自有公誅今說丁巳羅織致有夷禍當  
時部院主察何人何不指名直說一味含糊憑何裁處着  
回將話來該部知道

### 諭內閣

聖諭前次降諭科道各官但因若輩輒行恣肆報復淆亂  
國是欺藐朕躬本當重處姑已從寬薄懲示儆况今朕壽  
冬至節并宮中大喜特將前降劉重慶倪思輝朱欽相王  
心一吳應琦各准復原官都着恪供乃職不許似前妄生  
猜疑逞臆玩愒如有復蹈前轍定行重究不宥卿等儆示

該部遵行特諭

貴州賊首窺板角關大肆殺掠

守門總羅輔報得叛酋竊圖由楊維新安鑒等統賊兵  
數萬扎營清塘水攻劫大公屯村擒擄生靈數百殺死  
千總一員指揮一員又于本月初六日殺  
至鄭家場落沿溪殺死士民不計其數

經責井井  
可垂不朽  
不獨江右  
可行也

江西巡按汪泗論奏曰竊惟天下事有勢在必然而不得  
不然者早圖而曲計之則雖小有所費大有所全明知而  
諱言之將其患日甚一日而至於不可結局今日宗藩  
之當議處是也蓋宗人賢不肖雜選志意各殊賢者指不  
多屈若貧者鶉衣索食流聚市井而不肖者小則豪強橫  
奪大則行劫流剽公然扞三尺而不顧頃如齊庶人不肖

訓切

經濟名言

之尤者。乘海內多警。包藏禍心。幾於蠢蠢欲動。幸蚤伐其謀。未得狂逞。蓋諸宗以無所事事之身。而錮之一城之內。即秦以常祿。猶不能保其無邪思。矧祿無所出。是奪之生。而驅之以不道之行。罔之以必陷之罪也。臣以爲等費耳。以內外論。則邊餉不克其患在肢體。宗祿告匱。其患在腹心。而宗祿等耳。用以嗷嗷待哺之時。則上見恩而易德。不得已而與之。舐望鴟張之後。則費雖倍。而衆不親。相提而論。不待臣詞之畢也。抑尤有說焉。天下有必至之勢。通之以時。則不窮。國家無不裁之。恩節之以禮。則可久。以今宗藩審時度勢。其不可不深。

計者三。一曰限祿之。明旨當遵也。頃

皇祖允部臣請業已頒限祿之命。第須欽祗而力行

之。無使毫厘少溢。彼以有限之餼。供無窮之齒。不得不自

爲珍膏。花生姪生之弊。不禁自除。此以限祿而兼厘弊法

莫良於此者也。二曰賢不肖之激勸宜舉也。宗齒多至千

餘。臧否之品懸絕。姁脩不彰。則善者將倦。怕淫無忌。則惡

者日多。臣謂風勵之典。宜歲舉行。諸宗中有恬靜端謹德

行卓然者。歲舉二三人。報之撫按量動官帑爲賞格。令守

巡道造其廬而禮焉。其有志氣不倫。作奸犯科者。廉訪驗

有寔跡。亦報撫按或發本管戒飭。或具疏奏聞。有華衮



以誘之。前而又有斧鉞以懼之。後底其束於三尺而弗潰。  
乎。三曰管理之舉刺宜行也。管理之設董正諸宗而往往。  
妄自菲薄。賢者弗載。枉者弗理。塊然尸素。將安用之。此無。  
他任匪其人而責之以不定也。似宜慎管理之選而稍重。  
其權。賜以璽書。寄以督率。而仍以激勸之柄。屬之兩院。  
每撫按復命。必另疏具題。該宗歛戢守法者是。維管。  
理功。劄有薦歲久則請賜。  
明旨。宅里以世。旌之。該宗恣橫。置凌不能鈴束者是。惟管。  
理罪。則有劾。請廢置而更易之。或貪黷昏憤之尤者。仍。  
聽不時勅處。權有所歸。而職有所轄。管理必人人兢奮而。

諸宗必無敢即怙淫以自扞於法網者矣。或亦憚壓之一  
策乎。臣非不知事忌紛更。宗政整齊非易第。宗藩勢難  
剗割。機貴預防。必有。宗祿以安其生而後可以施整齊  
之教。必有管理以約其散而後可以全親睦之恩。勢似迂  
而寔急治似標而寔本。此未可以緩視也。語有之。未見其  
形。願察其影。又曰。有不終日之計。有數十年之計。有百年  
之計。臣之所請。固不敢自謂計安百年。第設誠而致行之  
數十年。可保怙然無事。不然。以既匱之恩。而又格於無可  
奈何之勢。日窮一日。日迫一日。後來景象。有不敢言者矣。  
伏乞

此疏發明  
忠義之心  
引証增補  
之何者史  
一詩錢案  
以生此發  
奇辭

皇上深維綏奠之策、勅下該部速為覆奏施行

諸宗幸甚、社稷幸甚

貴州道御史梁之棟奏為適當、獻俘之日、請卹殉難

之臣以旌苦節以慰忠魂事、臣惟人臣事

君、有死無二、然有死而功在、封疆、九鼎為重者、上也、功

業未著、蹈節輕身者、次也、或駢首就戮、斷臂旌心、然猶身

死含冤、悲憤未雪者、又其次也、然揔之、或立功、或明節、或

為、玉事、褒卹之典、揔宜寬厚、矧、封疆多故、抱頭委

膝之輩、繞指為柔、而仗節不屈之臣、反令幽冤寂寞、不一

聞揚者、重慶之變、院道、流血橫尸、一時風聞之誤、不

曰無糧而譁則曰有激而變若然即死亦何辭寃哉奢酋謀叛已非一日觀變于援遼發難于重慶未出江門而何若海之輩幾倖有成執訊獲醜見在可問也尚可謂之激變乎變非激成則撫臣徐可求鎮臣王守忠催兵援遼爲王事也變起倉卒百刃臨頭撫臣厲聲罵賊而死鎮臣義不就擒而死道臣孫好古駱日升李維周監軍督餉亦爲王事也或肝腦塗地義不反顧而死或引頸受刃赴難如飴而死又如李維周領兵出圍聞變回援甘心袒受而死至如循良之章文炳死之日諭戒子弟以身翼之者數圍即逆酋叩頭膜拜尚有悔殺廉吏之言清風勁節施及貊

夷也。再如同知熊嗣先、洪應科、推官王三宅、知縣段高選、  
蹂尸淫夷、冠履枕藉也。悲夫！犬豕盡噬，寧傷殘我將吏，腥  
羶偏地，不屈辱我冠裳。諸臣之死，幸矣！尚可曰：變出突忽，  
不得不死乎？正惟不得不死，而諸臣之死，愈不幸矣。諸臣  
倘得死所，則英風大節，不惟殺身成仁之張鉉當爲從容，  
就義之高邦佐、拚命殺賊之潘宗顏，豈不凜凜見節而乃  
冒激變之名于殺身之禍，茹苦含辛，徒使夜雨啼魂，空染  
淒燐之碧，愁雲慘結，終于造物之和。諸臣之死，愈苦。諸臣  
之心，愈堪悲矣。然凡此皆樊龍張彤之惡逆，而若海之指  
縱也。逆酋一日未擒，諸臣死必爲厲鬼以殺賊。元兇授首，

壓逆酋而獻之。闕下。則諸臣之冤憤亦當抒。且道臣孫  
好古。府臣章文炳。千漕千廩矣。此數臣者。其與變同。其死  
節亦同。而卹錄之典有不同。則國法爲不公。然此猶  
云禍出不測也。兼督援兵。臨陣戰歿者。灌縣知縣左重也。  
結連土司。解厄成都者。推官郭象儀也。義旗一指于梁州。  
而軍聲大振。赤心濺血于江門。而志凜秋霜。象儀之前功。  
尚未賞死。更堪悲。又如慷慨殺賊之楊愈懋。晝遊之杜文  
煥。孰得孰失。而尚且責其輕進。倘危城一解。援兵從叙瀘  
擊其歸路。此時賊可就擒。則愈懋之搗巢。臣猶悲夫。尚晚  
今不罪逗遛。而罪輕進。何以服忠臣義士之心也。則

國法爲不平。然猶曰職守所關。務在滅賊也。鄉官董盡倫。  
無城守。封疆之責者也。倡率義勇。力捍孤城。功已著于  
合州。再救重慶。身死逆賊之手。此一臣者。即破格。卹錄。  
猶無足慰忠魂。而乃一外衛千戶。遂足盡優異之典乎。果  
不侔于遼疆之張銓。高邦佐。潘宗顏乎。果盡節。封疆者。  
死。亦論資格乎。則于國典爲未當。臣謂可求等之死節。  
無功亦無罪。推廣。

皇仁以旌苦節。則有孫好古之例在。知縣左重臨陣戰歿。  
則有潘宗顏之例在。郭象儀楊愈懋。即冒輕進。亦有杜松  
之例在。鄉官董盡倫。比之張銓。潘宗顏輩。則多捍賊。

之功比之孫好古則無自守之責即不得錦衣之世蔭亦當襲以重慶衛指揮以示優異者也其他先後與難大小將吏卽惟

皇上惻然軫念勅下該部查照按臣原疏一併破格

優卹加其薄秩襲其子孫議葬議祭議謚分別叙錄庶賞罰不紊而拱木歛寃不至墜心地下孤兒寡婦亦不至茹嘆含酸其激勸人心非淺鮮矣職蜀人也知而不言誰爲諸臣言者

擒獲海盜

時浙江海中銅盤洋有大盜吳二余駕船三隻從日本

飄來遇

王船

船

擄人

打

某

取

贖

蘇

無

院

張

按

臺

咨

令



只才而正  
貧四字足  
于此案

雲關把總楊德中計擒之生縛三十七人獲有偽  
票偽印簿籍器械旗甲等項餘賊溺死海洋以寧  
憐才公揭

浙江在京官錢士升魏大中朱泰禎等謹揭為辛酉科  
浙江中式舉人錢千秋一事屢奉明旨自有法司其  
間有無情弊自在執法訊究者士升大中等何敢置喙  
然千秋之才而止食則合郡之所共知共悉者不得不  
公言之千秋原名赴屢試前列食廩學宮湖口館穀以  
戊午年改今名頗負時譽辛酉入穀士升頗相嘆服以  
為得一宿名之上且其家世清寒至千秋父子則一貧  
徹骨此無論鄉里耳目俱在即有仇隙者不能曲為之  
辭也夫寅緣關節與市棍勾騙多出空疎悖腹之士而  
千秋之才如此必出殷富素封之家而千秋之貧如此  
彼泰之日海鹽樊父母人觀在都門至指天誓日  
以言其無他是千秋之才之不特洞知于里閭亦且  
遍燭于長安矣國法在上公道昭然事于關節自當  
左見分明如情可原尚當嚴加覆試士升等之意第以  
孤窮才士實迫別于銅臭不縱丁之流以明  
桑梓中憫惜之公意非收私徇本生也謹揭

刑部奉

聖旨逆犯徐鴻策着便處決劉崇喜劉尸王文臣梟示各犯首級傳示九邊昭布天下

李可灼遣戍

贈徐可求右都御史廕一子奉衛千戶世襲

十二月

丙辰

冊封

光廟莊妃大學士何宗彥捧冊

吏科陳熙昌上言東省妖賊雖平地方善後宜策并請存

恤脩復孟氏孫墓廟

上從之命該道官司致祭

御史吳桂災異疊見疏曰伏見邸報山西有天鳴地震之

變陝西有星墜地震之變城垣廬舍頽塌過半人口牲畜

殞斃數萬嗟乎此亦最可憂最可懼矣然竊觀

陛下似未嘗知憂未嘗知懼者日者

沉痛悲切  
不減大痛  
果也

總序

聖壽無疆、嵩呼萬國、二侍繼獻、快意武功、豈遂謂已治已安、即天變不足畏乎、職不習占驗、但據時事、可憂可懼者爲

陛下陳之、今國家所患、奴酋安酋、而奴爲甚、奴之謀寔出萬全、而我求一大將、備折衝、不可得、奴之奸細遍

都城、而我求一邏卒、探虛寔、不可得、譬之敗屋頽垣、未施補葺、風雨猝至、則飄搖傾覆、曾不旋踵、夫逆奴至猝也、至叵測也、一旦窺關、是風雨之猝至也、而不及今補葺、其何能免於飄搖傾覆之患

陛下試念山海一綫、止仗一樞輔、其足供樞輔驅策者、尚

寥寥也。而得無憂得無懼乎。安首之勢正熾。奢首之巢未傾。而督撫新更。兵力未集。終無芟除之期。各處之備全虛。枵腹之卒易譁。而太倉如洗。庚癸時呼。將有脫巾之變。

陛下試一猛省。裴憂無兵。猶議召募。召募不足。猶議徵調。今募無可募。調無可調。則竟無兵矣。裴憂無餉。猶議加派。加派不足。猶議發帑。今加無可加。發無可發。則竟無餉矣。豈惟無兵。今之劫奪行旅。繫貨國門者。皆

陛下之兵也。不禦寇而爲寇者也。豈惟無餉。今之騙官侵帑。剝削肥已者。皆

陛下之餉也。不飽軍而飽貪者也。夫此猶小醜蠢動。然已

困天下矣。萬一別有不測，何以支吾？

陛下念此而得無憂得無懼乎？且今日民心何如者？水旱之災頻仍未已，誅求之令四出不休，離人父子，鬻人田宅，以供國課。國課未完而已，作無家之別，易子而食，析骨而炊，以給俯仰。俯仰莫措，而盡爲溝中之瘠。於是人變爲妖，民驅爲盜，弄兵潢池，終無噍類。至今齊魯之郊，黔蜀之墟，流血成渠，積屍蔽野。寒狐夜嘯，大鳥日號，啄人肝腸，飲人腦血。死亡者白骨生苔，流離者飛鴻滿野。天未悔禍，使我西陲復遭茲變。

陛下不及今下

德音，發

明詔，急加蠲賑，收拾人心，而

視同泛漫。置若罔聞。百姓方恐死以望再生。而當此耄故。立視其死而不救。萬一有司不體朝廷恤民之意。而慍於考成。重加剝奪。使小民流離在道。化爲盜賊。妖民齊呼。揭竿四起。奴賊動於外。窮民訐於內。此時卽良平爲謀。韓白爲將。計無所出。

陛下念此而得無憂。得無懼乎。嗟乎。邊有百破而無一完。民有百苦而無一樂。官有百偷而無一脩。國有百竭而無一餘。時事至此。可爲寒心。

陛下但見內軍三千。甲光耀日。劍戟如雲。以爲武備在是。而不知關塞之上有披朽持鈍。戰不敢戰。守不能守之將。

士但見樊賊獻俘如釜中之魚。祖上之肉以爲盜不足憂。而不知山海之外黔蜀之間有侵我疆土殺我將吏屠我生民之強敵。但見妖賊就擒。山左蕩平。以爲太平可期。不知閭閻之間有飢不得食寒不得衣生不得歸死不得葬之赤子且也。日日緝奸而畿輔之奸細布滿。則關門譏察安在。日日詰盜而禁城之盜劫公行。則官軍守衛何爲。陛下念此而得無憂得無懼乎。人事廢弛天怒孔赫。德之天鳴地震之異恐有土崩瓦解之憂。今日不戒懼且有不及戒懼者。今日不脩省且有不及脩省者。噫危矣哉。職又聞古之帝王遇災則省躬罪已下詔求言上白皇躬下逮



庶政凡有闕失皆得直言無諱今

陛下諭廷臣但言邊事不及宮府闕失忠言日寡不能聞所未聞見所未見諸臣又皆以爲

陛下冲年未敢直言觸忌夫古稱冲主無如周成王當時周公爲師召公爲保閔散之徒爲之左右先後有無嬖佞纖巧之奸內無游畋犬馬之好外無夷狄盜賊之警猶訪落謀始小戒懲患七月之陳王業公劉之勤民事無逸之戒盤游如此而後爲成王成令主今

陛下自視孰與成王諸臣孰與周公今日時事孰與成周而汙世沓沓若此何以濟時艱而挽天變乎職竊以爲

陛下春秋方盛宜練習國事凡一切章奏有關係軍務夷情與四方水旱盜賊之變皆當寫置座右時加儆戒或有疑問則召諸大臣共相商確而諸大臣亦宜盡心輔佐日取四方所奏水旱盜賊災異及軍務夷情條列利害指陳得失使人主知小民疾苦王業艱難庶幾開悟

君心毓成

聖德即今天鳴地震未必非知憂知懼之機也然諸臣以飭武備恤民災爲請而猶俟部覆遷延歲月何濟寔事謂宜即下詔令頒示海內責成各邊將吏急加訓練嚴爲防禦以安反測以戒不虞責成各省撫按查遇災傷地方除

援黔將刻  
趙破谷龍  
司賊巢

賑濟外其加派自今年起永行蠲免被兵火地方除免加  
派外其舊額俟三年後方議起徵懇切痛快出自  
陛下真誠惻怛之衷使人心振聳窮民感泣方于時艱有  
濟天愛可弭職愚不識忌諱冒昧瀆陳伏乞

陛下留神省覽立見施行臣愚幸甚天下幸甚

川湖總督張我續恭報擒燒安酋之黨并遣將援黔疏曰  
本年十一月初一日准貴州撫臣王三善揭帖內開十月  
十三日據總兵劉超軍師李世將先鋒參將楊明楷史器  
都司孫元謨報稱蒙遣職等襲打谷龍司于十一日督兵  
後行夜抵賊寨此寨深谷四面盡皆苗衆又在萬山之中

懸崖之上官兵不到之地賊不知防忽聞兵至盡皆驚竄止生擒賊屬二名段守貴陳應興因將其寨當時燒毀比至天明辨驗時于灰燼中認得院內燒毀長鎗三橫約二千餘杆又標鎗一大房約萬餘杆已裁未成皮甲一房并生漆顏料數十桶。拏箭絆馬甲絰一大房米十五倉萬餘石生畜無數據段守貴供稱首賊宋一龍宋顯俊已隨安邦彥攻圍省城不在家家中無人止婦女俱爬山逃散等情已發新鎮道研審未報有兵搶得未燒長鎗等物當即驗視鎗長二丈援弓五尺俱金銀畫杆精巧鋒利上款書壬戌元年官置嗟乎觀此而逆酋之處心積慮非一朝夕

矣。即此一司之富強則安酋可知。是豈易撫者哉。又豈易  
勦者哉。等因。到臣爲照劉超者。臣遣之援黔。而撫臣委以  
外戎之寄者也。超爲河南兩科武解元。謀勇兼全。臣居恒  
物色草澤中。英雄以超爲異等。是以携至保寧。忽值黔亂。  
遂遣之援黔。超僅帶中原家丁四十餘名耳。人人精銳。一  
可當十。今遵撫臣之指授方略。果能夜襲賊巢。獲其倉米  
萬石。牲畜甚多。雖生擒者止于二名。而焚燒者不可數計。  
似于援黔之著數爲不虛矣。誅賊黨以孤賊勢。亦兵家之  
所上也。臣第一次遣將援黔。是爲劉超。超已先建此功。異  
日大兵雲集。而其功當不止此。臣第二次援黔。是爲陳一

龍龍乃川人、川事未平、川中官民皆不欲其往也。臣屢檄催之、而該道報稱水賊烏河迷、但截烏江中、致一龍之兵不能前進、退而把守桑木關矣。臣第三次援黔、是爲秦明屏屏亦川人、雖臣題升黔之叅將、畢竟自顧其家徘徊涪州者閱月、臣催之始過思南矣。總之驅川兵援黔、千推萬阻、不肯過行者、亦其勢然也。以臣一入楚中、而分巡荆南道蘆瑛、田募施州兵一萬四千、已令游擊周基命等領之、而展洗兵備、道胡一鴻募鎮軍兵二萬、已令總兵金汝佐游擊李師元領之、而巴東知縣戴文箕募兵一萬、已令都司馬倫領之、又有秦中叅將卞繼祖、党師尉帶姚河家

丁二百名臣遣之星速前行臣既奉勅離蜀援黔豈敢  
有靳焉以上各將官兵數目俱臣屢次遣以援黔而不敢  
不報于

皇上者也除河南兵路遠猝難便到俟貴陽知府朱家民  
親往催促至日另報外止將擒燒賊寨功次會同巡撫王  
三善題乞

勅下兵部紀錄事寧之日一併議覆施行奉

聖旨覽奏劉超等深入賊巢燒毀甚多具見勞勛張我  
績王三善督率有功統候優叙已發援兵還着催他上緊  
前進協力蕩平

通政白瑜  
疏云使臣  
因者如國  
秘之者哉  
生無路哉  
出無門請  
此而知爲  
設年處地  
之論也

貴州巡按史永安奏曰臣等苦守貴陽已歷四序不爲不

三

久自援兵甕城失利賊志益驕賊黨益衆我兵飢餓逃亡  
殆盡不能守營壘退守城垣而賊營直逼城下因伐數里  
之木棚壘戶墻以坐困我即鳥雀難于飛渡兩月來塘報  
絕迹上下音信無聞而狡酋之攻城益力城東隅數處有  
山崗高與城齊賊居其上作廂樓下伐我城樹板砌石以  
格銳弩連木成山意欲通路近城幸我官兵設計燒毀其  
廂木火延三晝夜未絕西門外數處皆有山崗東南隅城  
架箱運草控洞砌石進攻更急我官兵亦用計破之其所  
扎營梯數架擺列城下希冀乘隙攻進使此時糧米未匱



則兵尚可驅賊、尚可守城、而倉米罄于六月矣、而例米罄于七月矣、是八月已來、派兵坐食于民間、民間之米又罄矣、今計合城官軍士民餽而死者已十之八、其二分亦淹淹待盡、兵尤日攫其米、捨其金、士民之苦不堪言矣、至兵之殺人而食之、不待言矣、甚而易子而食者、父子母女竟相食矣、城上城下、小巷大街、處處白骨成堆、血肉淋漓、官法無所搔矣、即官兵之死者、逃者、不計其數、今止存飢餓之卒二千、多僵臥不起、夫斗米價至四十金、且無尋覓處矣、大抵士民所遭者、古今來未有之大劫、臣等所遇者、古今來未有之異變、死亡幾盡、士民尚欲固守、飢餓之極、兵

率尚未大譟亦古今來未有之人情貧瘠會城其大如斗  
一錢烏道四路雲擾臣等堅守經年雖至食盡力竭實心  
以沒然對之

二祖列聖似可無愧質之天地鬼神似可無忝臣子之  
心盡矣獨恨撫臣王三善者受命撫黔業經一期當水  
南交叛封疆大變之時尤從容就道閱半載而始至沅  
州兩月而始至平越又五月音問杳然不知所趨兵將幾  
何所糜費帑金楚餉又幾何竟未遣一將一兵而至有  
未發一鉄一粒而濟省直告急之疏報之題請而不應  
求援之文急于疾呼而不答不惟目無國法且天理人

心喪滅盡矣。據往來塘報，屬官公移皆謂撫臣自聖自賢，司道府所不敢借一語所信而用者，皆河南隨來無報舉之官將。所用以把門打路者，皆河南隨來極驕悍之兵卒，去衙門半里無一人敢近。九轉羽書至者，候一二日不得投見，即見有不容發一語，若啼泣求投者，即以奸細嚇之，遂至拚命投文。人役數十次圖不得一回文，有謂其見一塘報聞貴陽尚無恙，即局促不悅者；有謂其怒鄉官王應德催檄之急，即尋罵之欲甘心坐刑部牢者；有謂其恨監軍所添衛之發兵，即不勝忿罵，遣移怒參將范仲仁差官提之，致二千兵散營壘一空，遂有薨城之敗。跡是二萬之

性命僅足以供其怒者有謂其有主意已定寧爲被逮之  
楊經略必不爲袁經略者有謂其故意延挨用賄買囑希  
圖弛擔者有謂藉口田進士之招撫縱貴陽失守猶可諉  
罪者有謂其兩次差官入賊營不知何幹者有謂其暗與  
賊約指新添爲鴻溝者種種清節噴噴有口顧暴戾逗遛  
之罪尤可言也割地悞國之罪不可言也至于總督張  
我續及奉旨援黔今滇粵各撫鎮並未見遣一兵將答  
一回文至黔而總兵杜文煥不知尚在何處俱已忘黔矣  
此在朝端自有公議在國家自有憲法耳臣通藉十

三年庶嘗五年候

命二年按黔又一年被賊圍困拮

據防禦受盡苦楚。糧餉又匱。兵民俱無。此深惟有。天兵  
神。兵。旦。暮。間。從。雲。霄。而。下。或。可。救。援。不。然。新。兵。大。兵。刻。期  
進。發。恐。不。及。待。况。未。必。發。乎。臣。雖。非。守。土。之。官。然。無。偷。生  
之。理。與。張。許。結。良。友。于。地。下。足。矣。但。念

祖宗故土。不可淪沒。夷酋懇乞

皇上速治撫臣之罪。以謝億萬生靈。選簡熟于黔事之大  
臣。經略黔地。以匡復此千里。封疆。西南半壁。猶可見  
天之日也。想像。天顏。萬里咫尺矣。奉

聖旨

兵部議復奉

聖旨王三善張我續着戴罪督兵刻期解圍楊述中協同  
進勦朱燮元相機應援其滇粵援兵作何進發也着作速  
具奏李耘史永安等候事平破格優叙

黔師擊殺逆酋安邦俊等餘黨潰散以捷聞

上嘉其功候事平優叙

左都御史趙南星等疏曰令甲六年一舉內計將以辨別  
官方澄汰流品典綦重也頃六年而登進士版者未易屈  
指數矣一人有一人之本末要使人品各具其生平一事  
有一事之是非斯于參酌揔歸之至當能自察者而後可  
察人名行所關自應聽一時僉同之論察人者而即以自

察去留不審。又虞貽後日異議之端。此豈易易事。而臣等敢盟心。天日。務乘虛公。以仰佐我。

皇上首舉計典。平明之治。于萬一哉。大都人臣服官。無過職業操守兩者而已。勤慎主于集事。則冰淵自凜。早夜靡寧者。爲真才。不則厭薄蓬蘆。驕語高曠。當與委頓不前者併論矣。介節矢以持躬。則談泊自甘。齒頰不苟者。爲真品。不則往來竿牘。仗勢私撓。幾與苞苴公行者無殊矣。以此觀人。尤責農之呻。而責女之真也。無飾說也。然而未易言也。用獨不如用衆。則各衙門之咨訪。欲博焉。單冊彙之印。官而奉。古書名。應自無含沙之害。信耳不如信目。則各

堂官之品。鷹欲定焉。揭考選之歲裡。而畫題面訖。又何有捉影之疑。一署也。或清流之接武。或敗類之比肩。兼有乘除盈縮。何拘往額。一人也。或名實之不平。或初終之互異。品有斟酌題評。敢信虛聲。如醜如媿。當人之面目自在。無意中賞鑑偏真。東西南北。任人之途轍儘寬。大同中方隅何議。公論共惡者。數其罪與衆弃之。固不敢藉口憐才。致巨奸有漏網之倖。輿情共惜者。原其過。與衆觀之。亦不敢侈言齒斥。俾中人興竭澤之嗟。以至匿名飛揭。多出仇口中傷。宜投水火。貴郎墨客。曾有造草性事。直屏門牆。狀之耳目。旣彰據實處分。則亦已矣。何必詆閤幃而飾曖昧。情節



之裝點暴誣。愚公昭雪。有何不可。豈得拍破甌而溺彈章。  
總之無黨無偏。可以遵王道蕩平之路。矢公矢慎。欲以奉  
聖主斥陟之權。如是而已矣。乃臣等猶以爲捐成心而破  
門戶。于今日之舉爲第一焉。蓋論人不分畛域。則混同何  
至。不忘論事不涉根株。則空洞豈遂深入。惟是藩籬一別。  
勢必迴流窮源。局脉一分。輒以索瘢而洗垢。人因人而互  
及。不陳臭味之本殊。事與事以相連。勿念安勉之各別。防異  
時之報復。盡剪萌芽。慮傍觀之不平。轉深羽翼。世路未必  
嶮巇。先爲不病之呻吟。人心向作崎嶇。何怪無端之風浪。  
卒之使廢述家疑者。自猶張之。矣。挾謾相管者。有藹然之

歎。人。才。備。折。澤。國。勢。爲。空。虛。走。氣。凋。殘。疆。域。因。而。多。  
故。前。車。不。遠。已。事。可。懲。快。意。一。時。貽。譏。千。古。故。臣。當。謂。捐。  
成。心。而。破。門。戶。尤。爲。今。日。第。一。義。也。既。經。科。道。及。南。北。科。  
道。條。議。奉。旨。部。院。集。議。復。行。臣。當。會。同。擬。具。覆。乞。  
勅。下。臣。等。通。行。各。衙。門。欽。遵。施。行。

御史劉重慶王心一補山西江西

巡撫趙彥奏請 獎勵賢王

上曰魯藩素著賢聲。今又捐資助餉。除亂安民。有光屏翰。  
著。寫。勅。獎。勵。加。白。金。百。兩。文。綺。十。端。以。見。優。禮。至。意。  
上。以。趙。彥。蕩。平。妖。賊。功。績。茂。著。加。升。兵。部。尚。書。兼。右。都。御。

史張鳳翔馮嘉會弭盜安民並著功勞升都察院右副都御史俱照舊巡撫

兩朝從信錄卷十六

終